

Communicaziun allas medias dils 20 da settember 2007



Surselva - cun vast horizont egl avegnir!

2. Forum Surselva ils 23 da november 2007 ella basa dall'Air Grischa a Tavanasa

Surselva - cun vast horizont egl avegnir! Havein nus buca gest en nossa regiun muntagnarda tuttas premissas per formar nies avegnir cun vast horizont? Giudem la val ein ils cuolms forsa mintgatun enta peis a nus. Sin la pezza sesarva denton il vast horizont ed ils patratgs san ir el lontan. Era il 2. Forum Surselva metta igl accent sin il svilup economic dalla Surselva.

Il Forum Surselva duei daventar ina ferma occurenza ell'agenda dall'economia en Surselva. Igl ei ina plattafuorma per interprendiders (era per purs), persunas da cader, politichers ed interessai ord la Surselva. Cheu duein actualitads vegnir tematisadas, patratgs vegnir brattai, visiuns svilupadas, ideas lantschadas e reits ella ed ordeifer la Surselva vegnir formadas. Era ella secunda ediziun san la giuvna combra d'economia en Surselva ed il post per la promoziun dall'economia dalla Regiun Surselva sco organisaders survir cun in interessant e vast program.

"Perspectivas per la Surselva - in pensum per tuts"

La Surselva ei part dalla globalisaziun e senta tut ils avantatgs e disavantatgs da quei svilup. Il cumbat da concorrenza ha liug oz sin plaun internaziunal. Quei ein motivs per il tema "Surselva - cun vast horizont egl avegnir!". Cun quei tema duei vegnir mussau allas participontas ed als participonts con impurtont ch'igl ei da mirar en tut las direcziuns sur ils cunfins dalla regiun ora e da patertgar en pli grondas dimensiuns. Oravontut duein novas vias ell'inovaziun vegnir presentadas, schanzas ella fiera vegnir scuvridas, systems da creaziun da valur sviluppai e novas cooperaziuns vegni mussadas. Spanegiaus astg'ins esser sin las explicaziuns da **dr. Pierin Vincenz**, CEO dalla gruppa Raiffeisen. El vegn a mussar la perspectiva dalla Surselva ord vesta dil "Sursilvan emigrau". **Urezza Famos**, cussegliaadra da cultura e da menaschi ed editura dil magazin piz, vegn a mussar cul tetel "Il liug muntagnard el grischun ei aunc buca ina monotonia globalisada, mobein ina unica regiun da cultura e natira cun diversas schanzas economicas", ch'in progress economic sa era esser pusseivels en in vitg allontanau e pign ell'Engiadina.

Hauptsponsor
RAIFFEISEN

Sponsoren

air grischa
Horizonte überfliegen
aurax energia
ein Unternehmen der RE Gruppe



APART CAV GMBH
COMUNICAZIUN ALDORISALVA

OKK
Öffentliche Krankenkassen
Schweiz

Medienpartner

LA QUOTIDIANA



"La marca regiun periferia"

Pius Truffer, conpossessor dalla Truffer AG e commember dalla direenziun dil Hotel Therme meina gia plirs onns sias fatschentas cun success en Val s. Pieder. El vegn a declarar al publicum cun tgei vast horizont ch'el meina sias fatschentas e tgei avantatgs che la "marca regiun periferia" porta ad el. In tec in auter aspect el tema dil 2. Forum Surselva vegn **Gian Gilli**, secretari general da IIHF World Championship AG Switzerland, a mussar. Sin sias explicaziuns, oravontut davart il tema "Events sco instrument da marketing", astgein nus esser fetg spanegiai.

Ins astga era esser spanegiaus sin la runda da discussiun cun ils quater referents. Per la moderaziun dall'occurenza san ins quintar d'ina forza cumprovada, numnadamein da Marcel Melcher dil radio DRS.

Plazs per il 2. Forum Surselva san vegnir reservai naven dad immediat sut la pagina d'internet www.forumsurselva.ch.

Danovamein in grond susteniment

Era il 2. Forum Surselva vegn organisaus dalla giuvna combra d'economia e dil post per la promoziun dall'economia dalla Regiun Surselva. Il Forum vegn sustenius da nos fermis partenaris: Banca Raiffeisen sco sponsor principal, Apart GmbH, Air Grischa, aurax energia sco era dall'ÖKK sco sponsurs. Sco partenari da medias ei La Quotidiana dalla partida. Era igl Uffeci d'economia e turissem dil cantun Grischun e numerus fautors ord la Surselva sustegnan l'occurenza.

Organisaziun Forum Surselva

Gjuvna combra d'economia Surselva

- . Fabia Caduff, Sursaissa
- . Flurina Caveng, Glion
- . Arno Caviezel, Falera
- . Tarcisi Cavigelli, Disentis/Mustér
- . Giusep Coray, Laax

- . Clau Degonda, Cumpadials
- . Marcellino Giger, Sedrun
- . Enrico Mazzetta, Trun
- . Iso Mazzetta, Disentis/Mustér
- . Ernst Sax, Sursaissa

Regiun Surselva

- . Pieder Vincenz, post per la promoziun dall'economia

Remarca alla redacziun

Per ulteriuras damondas stattan a Vossa disposiziun: Pieder Vincenz, post per la promoziun dall'economia, Regiun Surselva, Via Centrala 4, 7130 Glion, tel 081 920 02 40, pieder@surselva.ch, ni Marcellino Giger, giuvna combra d'economia, tel 081 920 01 70, marcellino.giger@raiffeisen.ch, bugen a disposiziun.

Ulteriuras informaziuns davart il Forum Surselva anfleis Vus era sut www.forumsurselva.ch.

Hauptsponsor

RAIFFEISEN

Sponsoren

air grischa

aurax energia



APART CAV GMBH
COMUNICAZIUN AUDIOVISUALA



Medienpartner

LA QUOTIDIANA